

睡虎地秦墓竹简

佚名

文硕阁

wenshuoge.com

目录

关于我们	3
秦律十八种·田律	5
秦律十八种·廩苑律	6
秦律十八种·仓律	7
秦律十八种·金布律	10
秦律十八种·关市律	12
秦律十八种·工律	13
秦律十八种·均工	14
秦律十八种·工人程	15
秦律十八种·徭律	16
秦律十八种·司空	17
秦律十八种·军爵律	19
秦律十八种·置吏律	20
秦律十八种·效	21
秦律十八种·传食	22
秦律十八种·行书	23
秦律十八种·内史杂	24
秦律十八种·尉杂	25
秦律十八种·属邦	26
其于部分·效律	27
其于部分·秦律杂抄	30
其于部分·法律答问	33
其于部分·封诊式	47
其于部分·编年纪	52
其于部分·语书	55
其于部分·为吏之道	56

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

秦律十八种·田律

雨為〈澍〉，及誘（秀）粟，輒以書言〈澍〉稼、誘（秀）粟及猥（墾）田毋（無）稼者頃數。稼已生後而雨，亦輒言雨少多，所利頃數。早〈旱〉及暴風雨、水潦、（螽）、它物傷稼者，亦輒言其頃數。近縣令輕足行其書，遠縣令郵行之，盡八月□□之。

春二月，毋敢伐材木山林及雍（壅）隄水。不夏月，毋敢夜草為灰，取生荔、麇（卵）鷖，毋□□□□□毒魚鱉，置罔（網），到七月而縱之。唯不幸死而伐縮（棺）享（槨）者，是不用時。邑之（近）皂及它禁苑者，麇時毋敢將犬以之田。百姓犬入禁苑中而不追獸及捕獸者，勿敢殺；其追獸及捕獸者，殺之。河（呵）禁所殺犬，皆完入公；其它禁苑殺者，食其肉而入皮。

入頃芻，以其受田之數，無猥（墾）不猥（墾），頃入芻三石、二石。芻自黃及束以上皆受之。入芻，相輪度，可（也）。

禾、芻徹（撤）木、薦，輒上石數縣廷。勿用，復以薦蓋。

乘馬服牛稟，過二月弗稟、弗致者，皆止，勿稟、致。稟大田而毋（無）恒籍者，以其致到日稟之，勿深致。

百姓居田舍者毋敢（酤）酉（酒），田嗇夫、部佐謹禁御之，有不從令者有罪。

秦律十八种・廩苑律

以四月、七月、十月、正月膚田牛。卒歲，以正月大課之，最，賜田嗇夫壺酉（酒）束脯，為旱〈皂〉者除一更，賜牛長日三旬；殿者，誅田嗇夫，罰冗皂者二月。其以牛田，牛絜，治（答）主者寸十。有（又）里課之，最者，賜田典日旬殿，治（答）卅。廩苑律。

（假）鐵器，銷敝不勝而毀者，為用書，受勿責。

將牧公馬牛，馬牛死者，亟謁死所縣，縣亟診而入之，其入之其弗亟而令敗者，令以其未敗直（值）賞（償）之。其小隸臣疾死者，告其□□之；其非疾死者，以其診書告官論之。其大廩、中廩、宮廩馬牛（也），以其筋、革、角及其賈（價）錢效，其人詣其官。其乘服公馬牛亡馬者而死縣，縣診而雜買（賣）其肉，即入其筋、革、角，及（索）入其賈（價）錢。錢少律者，令其人備之而告官，官告馬牛縣出之。今課縣、都官公服牛各一課，卒歲，十牛以上而三分一死；不盈十牛以下，及受服牛者卒歲死牛三以上，吏主者、徒食牛者及令、丞皆有罪。內史課縣，大（太）倉課都官及受服者。□□。

秦律十八種·倉律

入禾倉，萬石一積而比黎之為戶。縣嗇夫若丞及倉、鄉相雜以印之，而遺倉嗇夫及離邑倉佐主稟者各一戶以氣（餼），自封印，皆輒出，餘之索而更為發戶。嗇夫免，效者發，見雜封者，以隄（題）效之，而復雜封之，勿度縣，唯倉自封印者是度縣。出禾，非入者是出之，令度之，度之當堤（題），令出之。其不備，出者負之；其贏者，入之。雜出禾者勿更。入禾未盈萬石而欲增積焉，其前入者是增積，可（也）；其它人是增積，積者必先度故積，當堤（題），乃入焉。後節（即）不備，後入者獨負之；而書入禾增積者之名事邑里於廩籍。萬石之積及未盈萬石而被（被）出者，毋敢增積。櫟陽二萬石一積，咸陽十萬一積，其出入禾、增積如律令。長吏相雜以入禾倉及發，見之粟積，義積之，勿令敗。

入禾稼、芻，輒為廩籍，上內史。芻各萬石一積，咸陽二萬一積，其出入、增積及效如禾。

禾、芻積（索）出日，上贏不備縣廷。出之未（索）而已備者，言縣廷，廷令長吏雜封其廩，與出之，輒上數廷；其少，欲一縣之，可（也）。廩才（在）都邑，當□□□□□□者與雜出之。

□□□□□不備，令其故吏與新吏雜先（索）出之。其故吏弗欲，勿強。其毋（無）故吏者，令有秩之吏、令史主，與倉□雜出之，（索）而論不備。雜者勿更；更之而不備，令令、丞與賞（償）不備。

程禾、黍□□□□以書言年，別其數，以稟人。

計禾，別黃、白、青。（秬）勿以稟人。

稻後禾孰（熟），計稻後年。已穫上數，別粢、（糯）（）稻。別粢、（糯）之襄（釀），歲異積之，勿增積，以給客，到十月牒書數，上內史。

縣上食者籍及它費大（太）倉，與計偕。都官以計時飢食者籍。

種：稻、麻畝用二斗大半斗，禾、麥畝一斗，黍、荅畝大半斗，叔（菽）畝半斗。利田疇，其有不盡此數者，可（也）。其有本者，稱議種之。

縣遺麥以為種用者，穀禾以臧（藏）之。

粟一石六斗大半斗，舂之為（糲）米一石；（糲）米一石為鑿（）米九斗；九斗為毀（毀）米八斗。稻禾一石。有米委賜，稟禾稼公，盡九月，其人弗取之，

勿鼠（予）。

為粟廿斗，舂為米十斗；十斗粢，毀（穀）米六斗大半斗。麥十斗，為三斗。叔（菽）、荅、麻十五斗為一石。?稟毀（穀）稗者，以十斗為石。

宦者、都官吏、都官人有事上為將，令縣貢（貸）之，輒移其稟縣，稟縣以其稟。已稟者，移居縣責之。

有事軍及下縣者，齎食，毋以傳貢（貸）縣。

月食者已致稟而公使有傳食，及告歸盡月不來者，止其後朔食，而以其來日致其食；有秩吏不止。

駕傳馬，一食禾，其顧來有（又）一食禾，皆八馬共。其數駕，毋過日一食。駕縣馬勞，有（又）益壺〈壹〉禾之。

妾未使而衣食公，百姓有欲（假）者，（假）之，令就衣食焉，吏輒被事之。

隸臣妾其從事公，隸臣月禾二石，隸妾一石半；其不從事，勿稟。小城旦、隸臣作者，月禾一石半石；未能作者，月禾一石。小妾、舂作者，月禾一石二斗半斗；未能作者，月禾一石。嬰兒之母（無）母者各半石；雖有母而與其母冗居公者，亦稟之，禾月半石。隸臣田者，以二月月稟二石半石，到九月盡而止其半石。舂，月一石半石。隸臣、城旦高不盈六尺五寸，隸妾、舂高不盈六尺二寸，皆為小；高五尺二寸，皆作之。

小隸臣妾以八月傳為大隸臣妾，以十月益食。

更隸妾節（即）有急事，總冗，以律稟食；不急勿總。

城旦之垣及它事而勞與垣等者，旦半夕參；其守署及為它事者，參食之。其病者，稱議食之，令吏主。城旦舂、舂司寇、白粢操土攻（功），參食之；不操土攻（功），以律食之。

日食城旦，盡月而以其餘益為後九月稟所。城旦為安事而益其食，以犯令律論吏主者。舂城旦月不盈之稟。

免隸臣妾、隸臣妾垣及為它事與垣等者，食男子旦半夕參，女子參。

食囚，日少半斗。

隸臣欲以人丁粼者二人贖，許之。其老當免老、小高五尺以下及隸妾欲以丁粼者一人贖，許之。贖者皆以男子，以其贖為隸臣。女子操紅及服者，不得贖。邊縣者，復數其縣。

畜離倉。用犬者，畜犬期足。、之息子不用者，買（賣）之，別計其錢。

秦律十八种·金布律

官府受錢者，千錢一畚，以丞、令印印。不盈千者，亦封印之。錢善不善，雜實之。出錢，獻封丞、令，乃發用之。百姓市用錢，美惡雜之，勿敢異。

布袤八尺，幅（幅）廣二尺五寸。布惡，其廣袤不如式者，不行。

錢十一當一布。其出入錢以當金、布，以律。

賈市居列者及官府之吏，毋敢擇行錢、布；擇行錢、布者，列伍長弗告，吏循之不謹，皆有罪。

有買（賣）及買（也），各嬰其賈（價）；小物不能各一錢者，勿嬰。

官相輸者，以書告其出計之年，受者以入計之。八月、九月中其有輸，計其輸所遠近，不能逮其輸所之計，□□□□□□移計其後年，計毋相繆。工獻輸官者，皆深以其年計之。

都官有秩吏及離官嗇夫，養各一人，其佐、史與共養；十人，車牛一兩（輛），見牛者一人。都官之佐、史冗者，十人，養一人；十五人，車牛一兩（輛），見牛者一人；不盈十人者，各與其官長共養、車牛，都官佐、史不盈十五人者，七人以上鼠（予）車牛、僕，不盈七人者，三人以上鼠（予）養一人；小官毋（無）嗇夫者，以此鼠（予）僕、車牛。狼生者，食其母日粟一斗，旬五日而止之，別以（假）之。

有責（債）於公及貲、贖者居它縣，輒移居縣責之。公有責（債）百姓未賞（償），亦移其縣，縣賞（償）。

百姓（假）公器及有責（債）未賞（償），其日（ ）以收責之，而弗收責，其人死亡；及隸臣妾有亡公器、畜生者，以其日月其衣食，毋過三分取一，其所亡眾，計之，終歲衣食不（ ）以稍賞（償），令居之，其弗令居之，其人死亡，令其官嗇夫及吏主者代賞（償）之。

縣、都官坐效、計以負賞（償）者，已論，嗇夫即以其直（值）錢分負其官長及冗吏，而人與參辨券，以效少內，少內以收責之。其入贏者，亦官與辨券，入之。其責（債）毋敢隄（逾）歲，隄（逾）歲而弗入及不如令者，皆以律論之。

官嗇夫免，復為嗇夫，而坐其故官以貲賞（償）及有它責（債），貧窶毋（無）以賞（償）者，稍其秩、月食以賞（償）之，弗得居；其免（也），令以律居之。

。官嗇夫免，效其官而有不備者，令與其裨官分，如其事。吏坐官以負賞（償），未而死，及有罪以收，挾出其分。其已分而死，及恒作官府以負責（償），牧將公畜生而殺、亡之，未賞（償）及居之未備而死，皆出之，毋責妻、同居。

縣、都官以七月糞公器不可繕者，有久識者靡之。其金及鐵器入以為銅。都官輸大內，內受買（賣）之，盡七月而鬻（畢）。都官遠大內者輸縣，縣受買（賣）之。糞其有物不可以須時，求先買（賣），以書時謁其狀內史。凡糞其不可買（賣）而可以為薪及蓋〈翳〉者，用之；毋（無）用，乃燔之。

傳車、大車輪，葆繕參邪，可（也）。韋革、紅器相補繕。取不可葆繕者，乃糞之。

受（授）衣者，夏衣以四月盡六月稟之，冬衣以九月盡十一月稟之，過時者勿稟。後計冬衣來年。囚有寒者為褐衣。為布一，用臬三斤。為褐以稟衣；大褐一，用臬十八斤，直（值）六十錢；中褐一，用臬十四斤，直（值）六錢；小褐一，用臬十一斤，直（值）卅六錢。已稟衣，有餘褐十以上，輸大內，與計偕。都官有用□□□□其官，隸臣妾、舂城旦毋用。在咸陽者致其衣大內，在它縣者致衣從事之縣。縣、大內皆聽其官致，以律稟衣。

稟衣者，隸臣、府隸之毋（無）妻者及城旦，冬人百一十錢，夏五十五錢；其小者冬七十七錢，夏四錢。舂冬人五十五錢，夏四錢；其小者冬四錢，夏卅三錢。隸臣妾之老及小不能自衣者，如舂衣。亡、不仁其主及官者，衣如隸臣妾。

秦律十八种・关市律

為作務及官府市，受錢必輒入其錢龔中，令市者見其入，不從令者貲一甲。

秦律十八种·工律

為器同物者，其小大、短長、廣夾（狹）必等。。

為計，不同程者毋同其出。。

縣及工室聽官為正衡石贏〈贏〉（纍）、斗用（桶）、升，毋過歲壺〈壹〉。有工者勿為正。（假）試即正。。

邦中之（徭）及公事官（館）舍，其（假）公，（假）而有死亡者，亦令其徒、舍人任其（假），如從興戍然。

公甲兵各以其官名刻久之，其不可刻久者，以丹若書之。其（假）百姓甲兵，必書其久，受之以久。入（假）而而毋（無）久及非其官之久也，皆沒入公，以齎律責之。

公器官□久，久之。不可久者，以□久之。其或（假）公器，歸之，久必乃受之。敝而糞者，靡其久。官輒告（假）器者曰：器敝久恐靡者，逕其未靡，謁更其久。其久靡不可智（知）者、令齎賞（償）。（假）器者，其事已及免，官輒收其（假），弗亟收者有罪。其（假）者死亡、有罪毋（無）責也，吏代賞（償）。毋擅（假）公器，者（諸）擅（假）公器者有罪，毀傷公器及□者令賞（償）。

秦律十八种・均工

新工初工事，一歲半紅（功），其後歲賦紅（功）與故等。工師善教之，故工一歲而成，新工二歲而成。能先期成學者謁上，上且有以賞之。盈期不成學者，籍書而上內史。

隸臣有巧可以為工者，勿以為人僕、養。

秦律十八种・工人程

隸臣、下吏、城旦與工從事者冬作，為矢程，賦之三日而當夏二日。

冗隸妾二人當工一人，更隸妾四人當工一人，小隸臣妾可使者五人當工一人。

隸妾及女子用箴（針）為緡 它物，女子一人當男子一人。

秦律十八种·徭律

御中發徵，乏弗行，貲二甲。失期三日到五日，誅；六日到旬，貲一盾；過旬，貲一甲。其得（也），及詣。水雨，除興。興徒以為邑中之紅（功）者，令（嫖）堵卒歲。未卒堵壞，司空將紅（功）及君子主堵者有罪，令其徒復垣之，勿計為（徭）。縣葆禁苑、公馬牛苑，興徒以斬（塹）垣離（籬）散及補繕之，輒以效苑吏，苑吏循之。未卒歲或壞（ ），令縣復興徒為之，而勿計為（徭）。卒歲而或（ ）壞，過三堵以上，縣葆者補繕之；三堵以下，及雖未盈卒歲而或（ ）道出入，令苑輒自補繕之。縣所葆禁苑之傅山、遠山，其土惡不能雨，夏有壞者，勿稍補繕，至秋毋（無）雨時而以（徭）為之。其近田恐獸及馬牛出食稼者，縣嗇夫材興有田其旁者，無貴賤，以田少多出人，以垣繕之，不得為（徭）。縣毋敢擅壞更公舍官府及廷，其有欲壞更（也），必（ ）之。欲以城旦舂益為公舍官府及補繕之，為之，勿（ ）。縣為恒事及（有為）（也），吏程攻（功），贏員及（ ）員自二日以上，為不察。上之所興，其程攻（功）而不當者，如縣然。度攻（功）必令司空與匠度之，毋獨令匠。其不審，以律論度者，而以其實為（徭）徒計。

秦律十八种·司空

縣、都官用貞（楨）、栽為備（棚）牖，及載縣（懸）鐘虞（虞）用（膈），皆不勝任而折；及大車轅不勝任，折（軸）上，皆為用而出之。

官府（假）公車牛者□□□（假）人所。或私用公車牛，及（假）人食牛不善，牛訾（髡）；不攻閒車，車空失，大車（軸）（鑿）；及不芥（介）車，車蕃（藩）蓋強折列（裂），其主車牛者及吏、官長皆有罪。。

官長及吏以公車牛稟其月食及公牛乘馬之稟，可（也）。官有金錢者自為買脂、膠，毋（無）金錢者乃月為言脂、膠，期（ ）。為鐵攻（工），以攻公大車。

一脂、攻閒大車一輛（兩），用膠一兩、脂二鍾。攻閒其扁解，以數分膠以之。為車不勞稱議脂之。

令縣及都官取柳及木檠（柔）可用書者，方之以書；毋（無）方者乃用版。其縣山之多者，以纏書；毋（無）者以蒲、藺以臬莠（ ）之。各以其〈穫〉時多積之。

有罪以貲贖及有責（債）於公，以其令日問之，其弗能入及賞（償），以令日居之，日居八錢；公食者，日居六錢。居官府公食者，男子參，女子駟（四）。公士以下居贖刑罪、死罪者，居於城旦舂，毋赤其衣，勿枸櫞櫬杖。鬼薪白粲，下吏毋耐者，人奴妾居贖貲責（債）於城旦，皆赤其衣，枸櫞櫬杖，將司之；其或亡之，有罪。葆子以上居贖刑以上到贖死，居於官府，皆勿將司。所弗問而久（繫）之，大嗇夫、丞及官嗇夫有罪。居貲贖責（債）欲代者，耆弱相當，許之。作務及賈而負責（債）者，不得代。一室二人以上居貲贖責（債）而莫見其室者，出其一人，令相為兼居之。居貲贖責（債）者，或欲籍（藉）人與并居之，許之，毋除（徭）戍。凡不能自衣者，公衣之，令居其衣如律然。其日未備而被入錢者，許之。以日當刑而不能自衣食者，亦衣食而令居之。官作居貲贖責（債）而遠其計所官者，盡八月各以其作日及衣數告其計所官，毋過九月而霽（畢）到其官；官相（近）者，盡九月而告其計所官，計之其作年。百姓有貲贖責（債）而有一臣若一妾，有一馬若一牛，而欲居者，許。司

隸臣妾、城旦舂之司寇、居貲贖責（債）（繫）城旦舂者，勿責衣食；其與城旦舂作者，衣食之如城旦舂。隸臣有妻，妻更及有外妻者，責衣。人奴妾（繫）城旦舂，貲（貸）衣食公，日未備而死者，出其衣食。

（繫）城旦舂，公食當責者，石卅錢。

居貲贖責（債）者歸田農，種時、治苗時各二旬。

毋令居貲贖責（債）將城旦舂。城旦司寇不足以將，令隸臣妾將。居貲贖責（債）當與城旦舂作者，及城旦傅堅、城旦舂當將司者，廿人，城旦司寇一人將。司寇不（ ），免城旦勞三歲以上者，以為城旦司寇。

城旦舂衣赤衣，冒赤（氈），拘櫜櫟杖之。仗城旦勿將司；其名將司者，將司之。舂城旦出（徭）者，毋敢之市及留舍闔外；當行市中者，回，勿行。城旦舂毀折瓦器、鐵器、木器，為大車折（輶），輒治（笞）之。直（值）一錢，治（笞）十；直（值）廿錢以上，孰（熟）治（笞）之，出其器。弗輒治（笞），吏主者負其半。

司寇勿以為僕、養、守官府及除有為（也）。有上令除之，必復請之。

百姓有母及同姓（生）為隸妾，非適（謫）罪（也）而欲為冗邊五歲，毋賞（償）興日，以免一人為庶人，許之。或贖（遷），欲入錢者，日八錢。

秦律十八种·军爵律

從軍當以勞論及賜，未拜而死，有罪法耐（遷）其後；及法耐（遷）者，皆不得受其爵及賜。其已拜，賜未受而死及法耐（遷）者，鼠（予）賜。

欲歸爵二級以免親父母為隸臣妾者一人，及隸臣斬首為公士，謁歸公士而免故妻隸妾一人者，許之，免以為庶人。工隸臣斬首及人為斬首以免者，皆令為工。其不完者，以為隱官工。

秦律十八种・置吏律

縣、都官、十二郡免除吏及佐、官屬，以十二月朔日免除，盡三月而止之。其有死亡及故有夬（缺）者，為補之，毋須時。

除吏、尉，已除之，乃令視事及遣之；所不當除而敢先見事，及相聽以遣之，以律論之。嗇夫之送見它官者，不得除其故官佐、吏以之新官。

官嗇夫節（即）不存，令君子毋（無）害者若令史守官，毋令官佐、史守。

秦律十八种·效

實官佐、史被免、徙，官嗇夫必與去者效代者。節（即）官嗇夫免而效，不備，代者與居吏坐之。故吏弗效，新吏居之未盈歲，去者與居吏坐之，新吏弗坐；其盈歲，雖弗效，新吏與居吏坐之，去者弗坐，它如律。

倉（漏）（朽）禾粟，及積禾粟而敗之，其不可食者不盈百石以下，誅官嗇夫；百石以上到千石，貲官嗇夫一甲；過千石以上，貲官嗇夫二甲；令官嗇夫、冗吏共賞（償）敗禾粟。禾粟雖敗而尚可食（也），程之，以其耗（耗）石數論負之。

度禾、芻稾而不備十分一以下，令復其故數；過十分以上，先索以稟人，而以律論其不備。

入禾，萬石一積而比黎之為戶，籍之曰：「其廩禾若干石，倉嗇夫某、佐某、史某、稟人某。」是縣入之，縣嗇夫若丞及倉、鄉相雜以封印之，而遺倉嗇夫及離邑倉佐主稟者各一戶，以氣（餽）人。其出禾，有（又）書其出者，如入禾然。

嗇夫免而效，效者見其封及隄（題），以效之，勿度縣，唯倉所自封印是度縣。終歲而為出凡曰：「某廩出禾若干石，其餘禾若干石。」倉嗇夫及佐、史，其有免去者，新倉嗇夫，新佐、史主廩者，必以廩籍度之，其有所疑，謁縣嗇夫，縣嗇夫令人復度及與雜出之。禾贏，入之，而以律論不備者。

禾、芻積廩，有贏、不備而匿弗謁，及者（諸）移贏以賞（償）不備，它物當負賞（償）而偽出之以彼（ ）賞（償），皆與同法。大嗇夫、丞智（知）而弗罪，以平罪人律論之，有（又）與主廩者共賞（償）不備。至計而上廩籍內史。入禾、發（漏）倉，必令長吏相雜以見之。芻如禾。

效公器贏、不備，以贓律論及賞（償），毋贓者乃直（值）之。

公器不久刻者，官嗇夫貲一盾。

秦律十八种·传食

御史卒人使者，食稗米半斗，醬𩚑（四）分升一，采（菜）羹，給之韭。其有爵者，自官士大夫以上，爵食之。使者之從者，食（糲）米半斗；僕，少半斗。

不更以下到謀人，稗米一斗，醬半升，采（菜）羹，芻各半石。宦奄如不更。

上造以下到官佐、史毋（無）爵者，及卜、史、司御、寺、府，（糲）米一斗，有采（菜）羹，鹽廿二分升二。

秦律十八种·行书

行命書及書署急者，輒行之；不急者，日瘠（畢），勿敢留。留者以律論之。

行傳書、受書，必書其起及到日月夙莫（暮），以輒相報（也）。書有亡者，亟告官。隸臣妾老弱及不可誠仁者勿令。書廷辟有曰報，宜到不來者，追之。

秦律十八种·内史杂

縣各告都官在其縣者，寫其官之用律。

都官歲上出器求補者數，上會九月內史。

有事請（也），必以書，毋口請，毋（羈）請。

官嗇夫免，□□□□□□其官亟置嗇夫。過二月弗置嗇夫，令、丞為不從令。

除佐必當壯以上，毋除士五（伍）新傅。苑嗇夫不存，縣為置守，如廄律。

令史毋從事官府。非史子（也），毋敢學學室，犯令者有罪。

下吏能書者，毋敢從史之事。

侯（候）、司寇及下吏毋敢為官府佐、史及禁苑憲。

有實官縣料者，各有衡石贏（纍）、斗甬（桶），期（ ）。計其官，毋（假）百姓。不用者，正之如用者。

有實官高其垣牆。它垣屬焉者，獨高其置芻廩及倉茅蓋者。令人勿（近）舍。非其官人（也），毋敢舍焉。善宿衛，閉門輒靡其旁火，慎守唯敬（儆）。有不從令而亡、有敗、失火，官吏有重罪，大嗇夫、丞任之。

毋敢以火入臧（藏）府、書府中。吏已收臧（藏），官嗇夫及吏夜更行官。毋火，乃閉門戶。令令史循其廷府。節（即）新為吏舍，毋依臧（藏）府、書府。

秦律十八种·尉杂

歲讎辟律於御史。

□其官之吏□□□□□□□□□□法律程籍，勿敢行，行者有罪。

秦律十八种·属邦

道官相輸隸臣妾、收人，必署其已稟年日月，受衣未受，有妻毋（無）有。受者以律續食衣之。

其于部分・效律

為都官及縣效律：其有贏、不備，物直（值）之，以其賈（價）多者罪之，勿贏（纍）。

官嗇夫、冗吏皆共賞（償）不備之貨而入贏。

衡石不正，十六兩以上，貲官嗇夫一甲；不盈十六兩到八兩，貲一盾。甬（桶）不正，二升以上，貲一甲；不盈二升到一升，貲一盾。

斗不正，半升以上，貲一甲；不盈半升到少半升，貲一盾。半石不正，八兩以上；鈞不正，四兩以上；斤不正，三朱（銖）以上；半斗不正，少半升以上；參不正，六分升一以上；升不正，廿分升一以上；黃金衡贏（纍）不正，半朱（銖）以上，貲各一盾。

數而贏、不備，直（值）百一十錢以到二百廿錢，誅官嗇夫；過二百廿錢以到千一百錢，貲嗇夫一盾；過千一百錢以到二千二百錢，貲官嗇夫一甲；過二千二百錢以上，貲官嗇夫二甲。

縣料而不備者，欽書其縣料（也）之數。

縣料而不備其見（現）數五分之一以上，直（值）其賈（價），其貲、誅如數者然。十分一以到不盈五分之一，直（值）過二百廿錢以到千一百錢，誅官嗇夫；過千一百錢以到二千二百錢，貲官嗇夫一盾；過二千二百錢以上，貲官嗇夫一甲。百分一以到不盈十分一，直（值）過千一百錢以到二千二百錢，誅官嗇夫；過二千二百錢以上，貲官嗇夫一盾。

同官而各有主（也），各坐其所主。官嗇夫免，縣令令人效其官，官嗇夫坐效以貲，大嗇夫及丞除。縣令免，新嗇夫自效（也），故嗇夫及丞皆不得除。

實官佐、史被免、徙，官嗇夫必與去者效代者。節（即）官嗇夫免而效不備，代者與居吏坐之。故吏弗效，新吏居之未盈歲，去者與居吏坐之，新吏弗坐；其盈歲，雖弗效，新吏與居吏坐之，去者弗坐。它如律。

倉（漏）（朽）禾粟，及積禾粟而敗之，其不可（食）者，不盈百石以下，誅官嗇夫；百石以到千石，貲官嗇夫一甲；過千石以上，貲官嗇夫二甲；令官嗇夫、冗吏共賞（償）敗禾粟。禾粟雖敗而尚可（食）（也），程之，以其秬（耗）石數論（）之。

度禾、芻 而不備，十分一以下，令復其故數；過十分以上，先 （索）以稟人，而以律論其不備。

入禾，萬石一積而比黎之為戶，及籍之曰：「某廩禾若干石，倉嗇夫某、佐某、史某、稟人某。」是縣入之，縣嗇夫若丞及倉、鄉相雜以封印之，而遺倉嗇夫及離邑倉佐主稟者各一戶，以氣（餽）人。其出禾，有（又）書其出者，如入禾然。嗇夫免而效，效者見其封及隄（題）以效之，勿度縣，唯倉所自封印是度縣。終歲而為出凡曰：「某廩出禾若干石，其餘禾若干石。」

倉嗇夫及佐、史，其有免去者，新倉嗇夫、新佐、史主廩者、必以廩籍度之。其有所疑，謁縣嗇夫，縣嗇夫令人復度及與雜出之。禾贏，入之；而以律論不備者。禾、芻 積廩，有贏不備，而匿弗謁，及者（諸）移贏以賞（償）不備， 它物當負賞（償）而偽出之以彼（ ）賞（償），皆與 同法。大嗇夫、丞智（知）而弗罪，以平罪人律論之，有（又）與主廩者共賞（償）不備。

入禾及發 （漏）倉，必令長吏相雜以見之。芻 如禾。

櫟陽二萬石一積，咸陽十萬石一積。

效公器贏、不備，以齎律論及賞（償），毋齎者乃直（值）之。

公器不久刻者，官嗇夫貲一盾。

甲旅札贏其籍及不備者，入其贏旅衣札，而責其不備旅衣札。

官府臧（藏）皮革，數穆風之。有蠹突者，貲官嗇夫一甲。

器職（識）耳不當籍者，大者貲官嗇夫一盾，小者除。

馬牛誤職（識）耳，及物之不能相易者，貲官嗇夫一盾。

爰、戟、弩， 相易 （也），勿以為贏、不備，以職（識）耳不當之律論之。

工稟 它縣，到官試之，飲水，水 二百斗以上，貲工及吏將者各二甲；不盈二百斗以下到百斗，貲各一甲；不盈百斗以下到十斗，貲各一盾；不盈十斗以下及稟縣中而負者，負之如故。

上節（即）發委輸，百姓或之縣就（僦）及移輸者，以律論之。

計用律不審而贏、不備，以效贏、不備之律貲之，而勿令賞（償）。

官嗇夫貲二甲，令、丞貲一甲；官嗇夫貲一甲，令、丞貲一盾。其吏主者坐以貲、誅如官嗇夫。其它冗吏、令史掾計者，及都倉、庫、田、亭嗇夫坐其離官屬於鄉者，如令、丞。

尉計及尉官吏節（即）有劾，其令、丞坐之，如它官然。

司馬令史掾苑計，計有劾，司馬令史坐之，如令史坐官計劾然。

計校相繆（繆）（也），自二百廿錢以下，誅官嗇夫；過二百廿錢以到二千二百錢，貲一盾；過二千二百錢以上，貲一甲。人戶、馬牛一，貲一盾；自二以上，貲一甲。

計脫實及出實多於律程，及不當出而出之，直（值）其賈（價），不盈廿二錢，除；廿二錢以到六百六十錢，貲官嗇夫一盾；過六百六十錢以上，貲官嗇夫一甲，而復責其出（也）。人戶、馬牛一以上為大誤。誤自重（也），罪一等。

其于部分・秦律杂抄

任法（廢）官者為吏，貲二甲。有興，除守嗇夫、（假）佐居守者，上造以上不從令，貲二甲。?除士吏、發弩嗇夫不如律，及發弩射不中，尉貲二甲。發弩嗇夫射不中，貲二甲，免，嗇夫任之。?駕騶除四歲，不能駕御，貲教者一盾；免，賞（償）四歲（徭）戍。除吏律

為（偽）聽命書，法（廢）弗行，耐為侯（候）；不辟（避）席立，貲二甲，法（廢）。

游士在，亡符，居縣貲一甲；卒歲，責之。

有為故秦人出，削籍，上造以上為鬼薪，公士以下刑為城旦。游士律

當除弟子籍不得，置任不審，皆耐為侯（候）。使其弟子贏律，及治（笞）之，貲一甲；革，二甲。除弟子律

故大夫斬首者，（遷）。分甲以為二甲蒐者，耐。

縣毋敢包卒為弟子，尉貲二甲，免；令，二甲。輕車、張、引強、中卒所載傳〈傳〉到軍，縣勿奪。奪中卒傳，令、尉貲各二甲。

驀馬五尺八寸以上，不勝任，奔摯（繫）不如令，縣司馬貲二甲，令、丞各一甲。先賦驀馬，馬備，乃粼從軍者，到軍課之，馬殿，令、丞二甲；司馬貲二甲，法（廢）。

吏自佐、史以上負從馬、守書私卒，令市取錢焉，皆（遷）。

不當稟軍中而稟者，皆貲二甲，法（廢）；非吏（也），戍二歲；徒食、敦（屯）長、僕射弗告，貲戍一歲；令、尉、士吏弗得，貲一甲。軍人買（賣）稟稟所及過縣，貲戍二歲；同車食、敦（屯）長、僕射弗告，戍一歲；縣司空、司空佐史、士吏將者弗得，貲一甲；邦司空一盾。

軍人稟所、所過縣百姓買其稟，貲二甲，入粟公；吏部弗得，及令、丞貲各一甲。稟卒兵，不完善（繕），丞、庫嗇夫、吏貲二甲，法（廢）。

敢深益其勞歲數者，貲一甲，棄勞。中勞律

臧（藏）皮革橐（蠹）突，貲嗇夫一甲，令、丞一盾。臧（藏）律

省殿，貲工師一甲，丞及曹長一盾，徒絡組廿給。省三歲比殿，貲工師二甲，丞、曹長一甲，徒絡組五十給。

非歲紅（功）及毋（無）命書，敢為它器，工師及丞貲各二甲。縣工新獻，殿，貲嗇夫一甲，縣嗇夫、丞、吏、曹長各一盾。城旦為工殿者，治（笞）人百。大車殿，貲司空嗇夫一盾，徒治（笞）五十。

園殿，貲嗇夫一甲，令、丞及佐各一盾，徒絡組各廿給。園三歲比殿，貲嗇夫二甲而法（廢），令、丞各一甲。

采山重殿，貲嗇夫一甲，佐一盾；三歲比殿，貲嗇夫二甲而法（廢）。殿而不負責，勿貲。賦歲紅（功），未取省而亡之，及弗備，貲其曹長一盾。大（太）官、右府、左府、右采鐵、左採鐵課殿，貲嗇夫一盾。

工擇榦，榦可用而久以為不可用，貲二甲。
工久榦曰不可用，負久者，久者謁用之，而貲工曰不可者二甲。

射虎車二乘為曹。虎未越泛薜，從之，虎環（還），貲一甲。虎失（佚），不得，車貲一甲。虎欲犯，徒出射之，弗得，貲一甲。豹旛（遂），不得，貲一盾。
公車司馬獵律

傷乘輿馬，夬（ ）革一寸，貲一盾；二寸，貲二盾；過二寸，貲一甲。
課馱騃，卒歲六匹以下到一匹，貲一盾。
志馬舍乘車馬後，毋（勿）敢炊飭，犯令，貲一盾。已馳馬不去車，貲一盾。

膚吏乘馬篤、（鬻），及不會膚期，貲各一盾。馬勞課殿，貲廄嗇夫一甲，令、丞、佐、史各一盾。馬勞課殿，貲皂嗇夫一盾。

牛大牝十，其六毋（無）子，貲嗇夫、佐各一盾。
羊牝十，其四毋（無）子，貲嗇夫、佐各一盾。牛羊課

匿敖童，及占（癡）不審，典、老贖耐，百姓不當老，至老時不用請，敢為酢（詐）偽者，貲二甲；典、老弗告，貲各一甲；伍人，戶一盾，皆（遷）之。
傳律。

徒卒不上宿，署君子、敦（屯）長、僕射不告，貲各一盾。宿者已上守除，擅下，人貲二甲。

冗募歸，辭曰日已備，致未來，不如辭，貲日四月居邊。軍新論攻城，城陷，尚有棲未到戰所，告曰戰圍以折亡，（假）者，耐；敦（屯）長、什伍智（知）弗告，貲一甲；稟伍二甲。敦（屯）表律。

戰死事不出，論其後。有（又）後察不死，奪後爵，除伍人；不死者歸，以為隸臣。

寇降，以為隸臣。

捕 律曰：捕人相移以受爵者，耐。

求 勿令送逆為它，令送逆為它事者，貲二甲。

戍律曰：同居毋并行，縣嗇夫、尉及士吏行戍不以律，貲二甲。

戍者城及補城，令姑（嫖）堵一歲，所城有壞者，縣司空署君子將者，貲各一甲；縣司空佐主將者，貲一盾。令戍者勉補繕城，署勿令為它事；已補，乃令增塞埤塞。縣尉時循視其攻（功）及所為，敢令為它事，使者貲二甲。

其于部分・法律答问

「害 別徼而 ， 駕（加）罪之。」可（何）謂「駕（加）罪」？五人 ， 臧（ ）一錢以上，斬左止，有（又）黥以為城旦；不盈五人， 過六百六十錢，黥（ ）以為城旦；不盈六百六十到二百廿錢，黥為城旦；不盈二百廿以下到一錢，（遷）之。求 比此。

求 ， 當刑為城旦，問罪當駕（加）如害 不當？當。

甲謀遣乙 ， 一日，乙且往 ， 未到，得，皆贖黥。

人臣甲謀遣人妾乙 主牛，買（賣），把錢偕邦亡，出徼，得，論各可（何）（也）？當城旦黥之，各畀主。

甲 牛， 牛時高六尺， （繫）一歲，復丈，高六尺七寸，問甲可（何）論？當完城旦。

或 采人桑葉，臧（ ）不盈一錢，可（何）論？貲 （徭）三旬。

司寇 百一十錢，先自告，可（何）論？當耐為隸臣，或曰貲二甲。

甲 ， 臧（ ）直（值）千錢，乙智（知）其 ， 受分臧（ ）不盈一錢，問乙可（何）論？同論。

甲 不盈一錢，行乙室，乙弗覺，問乙論可（何）（也）？毋論。其見智（知）之而弗捕，當貲一盾。

甲 錢以買絲，寄乙，乙受，弗智（知） ， 乙論可（何）（也）？毋論。

甲乙雅不相智（知），甲往 丙，臯（纔）到，乙亦往 丙，與甲言，即各 ， 其臧（ ）直（值）各四百，已去而偕得。其前謀，當并臧（ ）以論；不謀，各坐臧（ ）。

工 以出，臧（ ）不盈一錢，其曹人當治（答）不當？不當治（答）。

夫 千錢，妻所匿三百，可（何）以論妻？妻智（知）夫 而匿之，當以三百論為 ；不智（知），為收。

夫 三百錢，告妻，妻與共飲食之，可（何）以論妻？非前謀 （也），當為收；

其前謀，同罪。夫 二百錢，妻所匿百一十，可（何）以論妻？妻智（知）夫，以百一十為 ；弗智（知），為守臧（ ）。

削（宵），臧（ ）直（值）百一十，其妻、子智（知），與食肉，當同罪。

削（宵），臧（ ）直（值）百五十，告甲，甲與其妻、子智（知），共食肉，甲妻、子與甲同罪。

「父 子，不為 。」今 （假）父 （假）子，可（何）論當為 。

律曰「與 同法」，有（又）曰「與同罪」，此二物其同居、典、伍當坐之。云「與同罪」，云「反其罪」者，弗當坐。

人奴妾 其主之父母，為 主，且不為？同居者為 主，不同居不為 主。

「 及者（諸）它罪，同居所當坐。」可（何）謂「同居」？戶為「同居」，坐隸，隸不坐戶謂 （也）。

「 人，買（賣）所 ，以買它物，皆畀其主。」今 甲衣，買（賣），以買布衣而得，當以衣及布畀不當？當以布及其它所買畀甲，衣不當。

「公祠未 ， 其具，當貲以下耐為隸臣。」今或益〈 〉一腎，益〈 〉一腎臧〈 〉不盈一錢，可（何）論？祠固用心腎及它支（肢）物，皆各為一具，一具之臧（ ）不盈一錢， 之當耐。或直（值）廿錢，而被 之，不盡一具，及 不直（置）者，以律論。

可（何）謂「祠未 」？置豆俎鬼前未徹乃為「未 」。未置及不直（置）者不為「具」，必已置乃為「具」。

可（何）謂「 塚 」？王室祠，貍（貍）其具，是謂「 」。

士五（伍）甲 一羊，羊頸有索，索直（值）一錢，問可（何）論？甲意所 羊（也），而索繫羊，甲即牽羊去，議不為過羊。

「挾籥（鑰），贖黥。」可（何）謂「挾籥（鑰）」？挾籥（鑰）者已挾啟之乃為挾，且未啟亦為挾？挾之弗能啟即去，一日而得，論皆可（何） （也）？挾之且欲有 ，弗能啟即去，若未啟而得，當贖黥。挾之非欲 （也），已啟乃為挾，未啟當貲二甲。

「府中公金錢私貲用之，與 同法。」可（何）謂「府中」？唯縣少內為「府中

」，其它不為。

士五（伍）甲，以得時直（值）臧（ ），臧（ ）直（值）過六百六十，吏弗直（值），其獄鞫乃直（值）臧（ ），臧（ ）直（值）百一十，以論耐，問甲及吏可（何）論？甲當黥為城旦；吏為失刑罪，或端為，為不直。

士五（伍）甲，以得時直（值）臧（ ），臧（ ）直（值）百一十，吏弗直（值），獄鞫乃直（值）臧（ ），臧（ ）直（值）過六百六十，黥甲為城旦，問甲及吏可（何）論？甲當耐為隸臣，吏為失刑罪。甲有罪，吏智（知）而端重若輕之，論可（何）（也）？為不直。

或以赦前盜千錢，赦後盡用之而得，論可（何）（也）毋論。

告人盜百一十，問盜百，告者可（何）論？當貲二甲。盜百，即端盜駕（加）十錢，問告者可（何）論？當貲一盾。貲一盾應律，雖然，廷行事以不審論，貲二甲。

告人盜千錢，問盜六百七十，告者可（何）論毋論。

誣人 千錢，問 六百七十，誣者可（何）論？毋論。

甲告乙 直（值）□□，問乙 卅，甲誣駕（加）乙五十，其卅不審，問甲當論不當？廷行事貲二甲。

甲告乙 牛若賊傷人，今乙不 牛、不傷人，問甲可（何）論？端為，為誣人；不端，為告不審。

甲告乙盜牛，今乙賊傷人，非盜牛（也），問甲當論不當？不當論，亦不當購；或曰為告不審。

甲盜羊，乙智（知），即端告曰甲盜牛，問乙為誣人，且為告不審？當為告 駕（加）臧（ ）。

甲盜羊，乙智（知）盜羊，而不智（知）其羊數，即告吏曰 三羊，問乙可（何）論？為告 駕（加）臧（ ）。

甲告乙盜牛，今乙盜羊，不盜牛，問可（何）論？為告不審。■貲盾不直，可（何）論？貲盾。

當貲盾，沒錢五千而失之，可（何）論？當誅。■告人曰邦亡，未出徼闕亡，告不

審，論可（何）（也）？為告黥城旦不審。

誣人 直（值）廿，未斷，有（又）有它，直（值）百，乃後覺，當并臧（ ）以論，且行真罪、有（又）以誣人論？當貲二甲一盾。

上造甲 一羊，獄未斷，誣人曰 一，論可（何）（也）？當完城旦。

「譽適（敵）以恐眾心者，麥（戮）。」「麥（戮）者可（何）如？生麥（戮），麥（戮）之已乃斬之之謂（也）。」

「廣眾心，聲聞左右者，賞。」將軍材以錢若金賞，毋（無）恒數。

「有投書，勿發，見輒燔之；能捕者購臣妾二人，（繫）投書者鞠審之。」所謂者，見書而投者不得，燔書，勿發；投者得，書不燔，鞠審之之謂（也）。

「僞（矯）丞令」可（何）（也）？為有秩偽寫其印為大嗇夫。

盜封嗇夫可（何）論？廷行事以偽寫印。

「發偽書，弗智（知），貲二甲。」今咸陽發偽傳，弗智（知），即復封傳它縣，它縣亦傳其縣次，到關而得，今當獨咸陽坐以貲，且它縣當盡貲？咸陽及它縣發弗智（知）者當皆貲。

廷行事吏為詛偽，貲盾以上，行其論，有（又）廢之。

廷行事有罪當（遷），已斷已令，未行而死若亡，其所包當詣（遷）所。

嗇夫不以官為事，以奸為事，論可（何）（也）？當（遷）。（遷）者妻當包不當？不當包。

當（遷），其妻先自告，當包。

將上不仁邑里者而縱之，可（何）論？當（繫）作如其所縱，以須其得；有爵，作官府。

「徙封，贖耐。」可（何）如為「封」？「封」即田千佰。頃半（畔）「封」（也），且非是？而徙之，贖耐，可（何）重也？是，不重。

「內（納）奸，贖耐。」今內（納）人，人未蝕奸而得，可（何）論？除。

求盜追捕罪人，罪人格（格）殺求，問殺人者為賊殺人，且斲（ ）殺？斲（ ）殺人，廷行事為賊。

甲謀遣乙殺人，受分十錢，問乙高未盈六尺，甲可（何）論？當磔。

甲殺人，不覺，今甲病死已葬，人乃後告甲，甲殺人審，問甲當論及收不當？告不聽。

「擅殺子，黥為城旦舂。其子新生而有怪物其身及不全而殺之，勿罪。」今生子，子身全（也），母（無）怪物，直以多子故，不欲其生，即弗舉而殺之，可（何）論？為殺子。

士五（伍）甲母（無）子，其弟子以為後，與同居，而擅殺之，當棄市。

「擅殺、刑、髡其後子，之。」可（何）謂「後子」？官其男為爵後，及臣邦君長所置為後大（太）子，皆為「後子」。

人奴擅殺子，城旦黥之，畀主。

人奴妾治（笞）子，子以死，黥顏頰，畀主。■相與，交傷，皆論不（也）？交論。

臣強與主奸，可（何）論？比毆主。■折脊頸骨，可（何）論？比折支（肢）。

「臣妾牧殺主。」可（何）謂牧？欲賊殺主，未殺而得，為牧。

或自殺，其室人弗言吏，即葬狸（狸）之，問死者有妻、子當收，弗言而葬，當贓一甲。

「毆大父母，黥為城旦舂。」今毆高大父母，可（何）論？比大父母。

妻悍，夫毆治之，夫（ ）其耳，若折支（肢）指、肤（體），問夫可（何）論？當耐。

律曰：「夫（ ）人耳，耐。」今夫（ ）耳故不穿，所夫（ ）非珥所入（也），可（何）論？律所謂，非必珥所入乃為夫（ ），夫（ ）裂男若女耳，皆當耐。

或與人，縛而盡拔其須麋（眉），論可（何）（也）？當完城旦。

拔人髮，大可（何）如為「提」？智（知）以上為「提」。

或，嚙斷人鼻若耳若指若唇，論各可（何）（也）？議皆當耐。

士五（伍）甲，拔劍伐，斬人髮結，可（何）論？當完為城旦。

鉞、戟、矛有室者，拔以，未有傷（也），論比劍。

斗以箴（針）、鉞、錐，若箴（針）、鉞、錐傷人，各可（何）論？，當貲二甲；賊，當黥為城旦。

或與人，夾（）人唇，論可（何）（也）？比瘡瘡。

或，嚙人頰若顏，其大方一寸，深半寸，可（何）論？比瘡瘡。

斗，為人毆（也），毋（無）瘡瘡，毆者顧折齒，可（何）論？各以其律論之。

「邦客與主人，以兵刃、投（殳）梃、拳指傷人，以布。」可（何）謂「」？布入公，如貲布，入齎錢如律。

「以梃賊傷人。」可（何）謂「梃」？木可以伐者為「梃」。

小畜生入人室，室人以投（殳）梃伐殺之，所殺直（值）二百五十錢，可（何）論？當貲二甲。

論獄何謂「不直」？可（何）謂「縱囚」？罪當重而端輕之，當輕而端重之，是謂「不直」。當論而端弗論，及其獄，端令不致，論出之，是謂「縱囚」。

贖罪不直，史不與嗇夫和，問史可（何）論？當貲一盾。

「辭者辭廷。」今郡守為廷不為？為（也）。■「辭者不先辭官長、嗇夫。」■可（何）謂「官長」？可（何）謂「嗇夫」？命都官曰「長」，縣曰「嗇夫」。

「伍人相告，且以辟罪，不審，以所辟罪罪之。有（又）曰：「不能定罪人，而告它人，為告不審。」今甲曰伍人乙賊殺人，即執乙，問不殺人，甲言不審，當以告不審論，且以所辟？以所辟論當（也）。

賊入甲室，賊傷甲，甲號寇，其四鄰、典、老皆出不存，不聞號寇，問當論不當？審不存，不當論；典老雖不存，當論。

可（何）謂「四鄰」？「四鄰」即伍人謂（也）。

可（何）謂「州告」？「州告」者，告罪人，其所告且不審，有（又）以它事告之。勿聽，而論其不審。

有賊殺傷人衝術，偕旁人不援，百步中比（野），當貲二甲。

免老告人以為不孝，謁殺，當三環之不？不當環，亟執勿失。

「公室告」何（也）？「非公室告」可（何）（也）？賊殺傷、它人為「公室」；子盜父母，父母擅殺、刑、髡子及奴妾，不為「公室告」。

「子告父母，臣妾告主，非公室告，勿聽。」可（何）謂「非公室告」？主擅殺、刑、髡其子、臣妾，是謂「非公室告」，勿聽。而行告，告者罪。告者罪已行，它人有（又）襲其告之，亦不當聽。

「家人之論，父時家罪（也），父死而誦（甫）告之，勿聽。」可（何）謂「家罪」？「家罪」者，父殺傷人及奴妾，父死而告之，勿治。

葆子以上，未獄而死若已葬，而誦（甫）告之，亦不當聽治，勿收，皆如家罪。

可（何）謂「家罪」？父子同居，殺傷父臣妾、畜產及之，父已死，或告，勿聽，是謂（謂）「家罪」。有收當耐未斷，以當刑隸臣罪誣告人，是謂「當刑隸臣」。葆子□□未斷而誣告人，其罪當刑城旦，耐以為鬼薪鋈足。」藉葆子之謂（也）。

「葆子獄未斷而誣告人，其罪當刑為隸臣，勿刑，行其耐，有（又）（繫）城旦六歲。」可（何）謂「當刑為隸臣」？「葆子□□未斷而誣告人，其罪當刑城旦，耐以為鬼薪而鋈足」。藉葆子之謂（也）。有收當耐未斷，以當刑隸臣罪誣告人，是謂當刑隸臣。

「葆子獄未斷而誣告人，其罪當刑鬼薪，勿刑，行其耐，有（又）（繫）城旦六歲。」可（何）謂「當刑為鬼薪」？當耐為鬼薪未斷，以當刑隸臣及完城旦誣告人，是謂「當刑鬼薪」。

可（何）謂「贖鬼薪鋈足」？可（何）謂「贖宮」？臣邦真戎君長，爵當上造以上，有罪當贖者，其為，令贖鬼薪鋈足；其有府（腐）罪，贖宮。其它罪比者亦如此。

以乞鞫及為人乞鞫者，獄已斷乃聽，且未斷猶聽（也）？獄斷乃聽之。失盜足，論可（何）（也）？如失刑罪。

「隸臣將城旦，亡之，完為城旦，收其外妻、子。子小未可別，令從母為收。」可（何）謂「從母為收」？人固買（賣），子小不可別，弗買（賣）子母謂（也）。

當耐司寇而以耐隸臣誣人，可（何）論？當耐為隸臣。■當耐為侯（候）罪誣人，可（何）論？當耐為司寇。

當耐為隸臣，以司寇誣人，可（何）論？當耐為隸臣，有（又）（繫）城旦六歲。

完城旦，以黥城旦誣人。可（何）論？當黥。甲賊傷人，吏論以為傷人，吏當論不當？當諱。

當黥城旦而以完城旦誣人，可（何）論？當黥（劓）。

「癘者有罪，定殺。」「定殺」可（何）如？生定殺水中之謂（也）。或曰生理，生理之異事（也）。

甲有完城旦罪，未斷，今甲癘，問甲可（何）以論？當（遷）癘所處之；或曰當（遷）（遷）所定殺。

城旦、鬼薪癘，可（何）論？當（遷）癘（遷）所。

捕貲罪，即端以劍及兵刃刺殺之，可（何）論？殺之，完為城旦；傷之，耐為隸臣。

「將司人而亡，能自捕及親所智（知）為捕，除毋（無）罪；已刑者處隱官。」可（何）罪得「處隱官」？赦為庶人，將戒（械）囚刑罪以上，亡，以故罪論，斬左止為城旦，後自捕所亡，是謂「處隱官」。它罪比者皆如此。

大夫甲堅鬼薪，鬼薪亡，問甲可（何）論？當從事官府，須亡者得。今甲從事，有（又）去亡，一月得，可（何）論？當貲一盾，復從事。從事有（又）亡，卒歲得，可（何）論？當耐。

餽遺亡鬼薪於外，一以上，論可（何）（也）？毋論。

「捕亡，亡人操錢，捕得取錢。」所捕耐罪以上得取。

把其（假）以亡，得及自出，當為 不當？自出，以亡論。其得，坐臧（ ）為 ； 罪輕於亡，以亡論。

隸臣妾（繫）城旦舂，去亡，已奔，未論而自出，當治（答）五十，備（繫）日。

罷（癰）守官府，亡而得，得比公（癰）不得？得比焉。

甲告乙賊傷人，問乙賊殺人，非傷（也），甲當購，購幾可（何）？當購二兩。

捕亡完城旦，購幾可（何）？當購二兩。

夫、妻、子五人共盜，皆當刑城旦，今中〈甲〉盡捕告之，問甲當購◎幾可（何）？人購二兩。

夫、妻、子十人共盜，當刑城旦，亡，今甲捕得其八人，問甲當購幾可（何）？當購人二兩。

甲捕乙，告盜書丞印以亡，問亡二日，它如甲，已論耐乙，問甲當購不當？不當。

有秩吏捕闌亡者，以畀乙，令詣，約分購，問吏及乙論可（何）（也）？當貲各二甲，勿購。

「盜出朱（珠）玉邦關及買（賣）於客者，上朱（珠）玉內史，內史材鼠（予）購。」可（何）以購之？其耐罪以上，購如捕它罪人；貲罪，不購。

或捕告人奴妾 百一十錢，問主購之且公購？公購之之。

可（何）如為「犯令」、「法（廢）令」？律所謂者，令曰勿為，而為之，是謂「犯令」；令曰為之，弗為，是謂「法（廢）令」（也）。廷行事皆以「犯令」論。

法（廢）令、犯令，逕免、徙不逕？逕之。

郡縣除佐，事它郡縣而不視其事者，可（何）論？以小犯令論。

任人為丞，丞已免，後為令，今初任者有罪，令當免不當？不當免。

亡久書、符券、公璽、衡羸（纍），已坐以論，後自得所亡，論當除不當？不當。

甲徙居，徙數謁吏，吏環，弗為更籍，今甲有耐、貲罪，問吏可（何）論？耐以上，當貲二甲。

「百姓有責（債），勿敢擅強質，擅強質及和受質者，皆貲二甲。」廷行事強質人者論，鼠（予）者不論；和受質者，鼠（予）者□論。

實官戶關不致，容指若挾，廷行事貲一甲。

實官戶扇不致，禾稼能出，廷行事貲一甲。

空倉中有薦，薦下有稼一石以上，廷行事貲一甲，令史監者一盾。

倉鼠穴幾可（何）而當論及誅？廷行事鼠穴三以上貲一盾，二以下誅。鼯穴三當一鼠穴。

有稟叔（菽）、麥，當出未出，即出禾以當叔（菽）、麥，叔（菽）、麥賈（價）賤禾貴，其論可（何）（也）？當貲一甲。會赦未論，有（又）亡，赦期已盡六月而得，當耐。

吏有故當止食，弗止，盡稟出之，論可（何）（也）？當坐所贏出為。

吏從事於官府，當坐伍人不當？不當。

大夫寡，當伍及人不當？不當。

部佐匿者（諸）民田，者（諸）民弗智（知），當論不當？部佐為匿田，且可（何）為？已租者（諸）民，弗言，為匿田；未租，不論○○為匿田。

甲小未盈六尺，有馬一匹自牧之，今馬為人敗，食人稼一石，問當論不當？不當論及賞（償）稼。

「舍公官（館），旆火燔其舍，雖有公器，勿責。」?今舍公官（館），旆火燔其（假）乘車馬，當負不當出？當出之。

旆火延燔里門，當貲一盾；其邑邦門，貲一甲。

「擅興奇祠，貲二甲。」可（何）如為「奇」？王室所當祠固有矣，擅有鬼立（位

）（也），為「奇」，它不為。

「毋敢履錦履。」「履錦履」之狀可（何）如？律所謂者，以絲雜織履，履有文，乃為「錦履」，以錦縵履不為，然而行事比焉。

「不會，治（答）；未盈卒歲得，以將陽有（又）行治（答）。」今士五（伍）甲不會，治（答）五十；未卒歲而得，治（答）當駕（加）不當？當。

可（何）謂「逋事」及「乏（徭）」？律所謂者，當（徭），吏、典已令之，即亡弗會，為「逋事」；已閱及敦（屯）車食若行到（徭）所乃亡，皆為「乏（徭）」。

可（何）謂「匿戶」及「敖童弗傅」？匿戶弗（徭）、使，弗令出戶賦之謂（也）。

女子甲為人妻，去亡，得及自出，小未盈六尺，當論不當？已官，當論；未官，不當論。

女子甲去夫亡，男子乙亦闌亡，相夫妻，甲弗告請（情），居二歲，生子，乃告請（情），乙即弗棄，而得，論可（何）（也）？當黥城旦舂。

甲取（娶）人亡妻以為妻，不智（知）亡，有子焉，今得，問安置其子？當畀。或入公，入公異是。

「棄妻不書，貲二甲。」其棄妻亦當論不當？貲二甲。

「夫有罪，妻先告，不收。」妻贖（媵）臣妾、衣器當收不當？不當收。

妻有罪以收，妻贖（媵）臣妾、衣器當收，且畀夫？畀夫。

同母異父相與奸，可（何）論？棄布。

甲、乙交與女子丙奸，甲、乙以其故相刺傷，丙弗智（知），丙論可（何）（也）？毋論。

女子為隸臣妻，有子焉，今隸臣死，女子北其子，以為非隸臣子（也），問女子論可（何）（也）？或黥顏頰為隸妾，或曰完，完之當（也）。

以其乘車載女子，可（何）論？貲二甲。以乘馬駕私車而乘之，毋論。

「臣邦人不安其主長而欲去夏者，勿許。」可（何）謂「夏」？欲去秦屬是謂「夏」。

「真臣邦君公有罪，致耐罪以上，令贖。」可（何）謂「真」？臣邦父母產子及產它邦而是謂「真」。可（何）謂「夏子」？臣邦父、秦母謂（也）。

「者（諸）侯客來者，以火炎其衡厄（軛）。」炎之可（何）？當者（諸）侯不治騷馬，騷馬蟲皆麗衡厄（軛）軼轅，是以炎之。可（何）謂「亡券而害」？亡校券右為害。

「使者（諸）侯、外臣邦，其邦徒及偽吏不來，弗坐。」可（何）謂「邦徒」、「偽使」？徒、吏與偕使而弗為私舍人，是謂「邦徒」、「偽使」。

邦亡來通錢過萬，已復，後來而得，可（何）以論之？以通錢。

智（知）人通錢而為臧（藏），其主已取錢，人後告臧（藏）者，臧（藏）者論不論？不論論。

甲誣乙通一錢黥城旦罪，問甲同居、典、老當論不當？不當。

「客未布吏而與賈，貲一甲。」可（何）謂「布吏」？詣符傳於吏是謂「布吏」。

內公孫毋（無）爵者當贖刑，得比公士贖耐不得？得比焉。

越里中之與它里界者，垣為「完（院）」不為？巷相直為「院」；宇相直者不為「院」。

可（何）謂「宮均人」？宮中主循者（也）。

可（何）謂「宮更人」，宮隸有刑，是謂「宮更人」。

可（何）謂「宮狡士」、「外狡士」？皆主王犬者（也）。

可（何）謂「甸人」？「甸人」守孝公、（獻）公冢者（也）。

可（何）謂「宦者顯大夫？」

宦及智（知）於王，及六百石吏以上，皆為「顯大夫」。

○○○○○○○○○○○○○○○○○○可（何）謂「饔人」？古主饔者（也）。

可（何）謂「集人」？古主取薪者（也）。

可（何）謂「耐卜隸」、「耐史隸」？卜、史當耐者皆耐以為卜、史隸。後更其律如它。

可（何）謂「人貉」？謂「人貉」者，其子入養主之謂也。不入養主，當收；雖不養主而入量（糧）者，不收，畀其主。

可（何）謂「署人」、「更人」？藉（藉）牢有六署，囚道一署旡，所道旡者命曰「署人」，其它皆為「更人」；或曰守囚即「更人」（也），原者「署人」（也）。

可（何）謂「竇署」？「竇署」即去（也），且非是？是，其論可（何）（也）？即去署（也）。

可（何）謂「（率）敖」？「（率）敖」當里典謂（也）。

可（何）謂「逵卒」？有大（徭）而曹相趣，是謂「逵卒」。

可（何）謂「旅人」？寄及客，是謂「旅人」。

可（何）謂「室人」？可（何）謂「同居」？「同居」，獨戶母之謂（也）。?「室人」者，一室，盡當坐罪人之謂（也）。

可（何）謂「瓊」？「瓊」者，玉檢（也）。節（即）亡玉若人質（易）之，視檢智（知）小大以論及以齎負之。

可（何）謂「玉」？「玉」，者（諸）侯（侯）客節（即）來使入秦，當以玉問王之謂（也）。

可（何）謂「面」？「面」藉（藉）秦人使，它邦耐吏、行旡與偕者，命客吏曰「」，行旡曰「面」。

可（何）謂「臧（ ）人」？「臧（ ）人」者，甲把其衣錢匿臧（藏）乙室，即告亡，欲令乙為之，而實弗之謂（也）。

「資（貸）人贏律及介人。」?可（何）謂「介人」？不當資（貸），資（貸）之，是謂「介人」。

「氣（餽）人羸律及介人。」?可（何）謂「介人」？不當氣（餽）而誤氣（餽）之，是謂「介人」。

可（何）如為「大瘕」？「大瘕」者，支（肢）或未斷，及將長令二人扶出之，為「大瘕」。

可（何）如為「大誤」？人戶、馬牛及者（諸）貨材（財）直（值）過六百六十錢為「大誤」，其它為小。

可（何）謂「羊 」（也）？「羊 」（也），草實可食（也）

其于部分・封診式

治獄治獄，能以書從 其言，毋治（答）諒（掠）而得人請（情）為上；治（答）諒（掠）為下；有恐為敗。

訊獄凡訊獄，必先盡聽其言而書之，各展其辭，雖智（知）其訑，勿庸輒詰。其辭已盡書而毋（無）解，乃以詰者詰之。詰之有（又）盡聽書其解辭，有（又）視其它毋（無）解者以復詰之。詰之極而數訑，更言不服，其律當治（答）諒（掠）者，乃治（答）諒（掠）。治（答）諒（掠）之必書曰：爰書：以某數更言，毋（無）解辭，治（答）訊某。

有鞫敢告某縣主：男子某有鞫，辭曰：「士五（伍），居某里。」可定名事里，所坐論云可（何），可（何）罪赦，或覆問毋（無）有，遣識者以律封守，當騰，騰皆為報，敢告主。

封守鄉某爰書：以某縣丞某書，封有鞫者某里士五（伍）甲家室、妻、子、臣妾、衣器、畜產。?甲室、人：一字二內，各有戶，內室皆瓦蓋，木大具，門桑十木。妻曰某，亡，不會封。花板子大女子某，未有夫。子小男子某，高六尺五寸。臣某，妾小女子某。牡犬一。?幾訊典某某、甲伍公士某某：「甲黨（倘）有它當封守而某等脫弗占書，且有罪。」某等皆言曰：「甲封具此，毋（無）它當封者。」即以甲封付某等，與里人更守之，侍（待）令。

覆敢告某縣主：男子某辭曰：「士五（伍），居某縣某里，去亡。」可定名事里，所坐論云可（何），可（何）罪赦，或覆問毋（無）有，幾籍亡，亡及逋事各幾可（何）日，遣識者當騰，騰皆為報，敢告主。

自告□□□爰書：某里公士甲自告曰：「以五月晦與同里士五（伍）丙 某里士五（伍）丁千錢，毋（無）它坐，來自告，告丙。」即令令史某往執丙。

□捕爰書：男子甲縛詣男子丙，辭曰：「甲故士五（伍），居某里，迺四月中 牛，去亡以命。丙坐賊人□命。自晝甲見丙陰市庸中，而捕以來自出。甲毋（無）它坐。」

□□爰書：某里士五（伍）甲、乙縛詣男子丙、丁及新錢百一十錢、容（鎔）二合，告曰：「丙 鑄此錢，丁佐鑄。甲、乙捕 （索）其室而得此錢、容（鎔），來詣之。」

馬爰書：市南街亭求 才（在）某里曰甲縛詣男子丙，及馬一匹，騅牝右剽；緹覆（複）衣，帛裏莽緣領褰（袖），及履，告曰：「丙 此馬、衣，今日見亭旁，

而捕來詣。」

爭牛爰書：某里公士甲、士五（伍）乙詣牛一，黑牝曼（縻）有角，告曰：「此甲、乙牛（也），而亡，各識，共詣來爭之。」即令令史某齒牛，牛六歲矣。

群盜爰書：某亭校長甲、求才（在）某里曰乙、丙縛詣男子丁，斬首一，具弩二、矢廿，告曰：「丁與此首人強攻人，自晝甲將乙等徼循到某山，見丁與此首人而捕之。此弩矢丁及首人弩矢（也）。首人以此弩矢□□□□□□乙，而以劍伐收其首，山儉（險）不能出身山中。」訊丁，辭曰：「士五（伍），居某里。此首某里士五（伍）戊（也），與丁以某時與某里士五（伍）己、庚、辛，強攻某里公士某室，錢萬，去亡。己等已前得。丁與戊去亡，流行毋（無）所主舍。自晝居某山，甲等而捕丁戊，戊射乙，而伐殺收首。皆毋（無）它坐罪。」?診首毋診身可（也）。

奪首軍戲某爰書：某里士五（伍）甲縛詣男子丙，及斬首一，男子丁與偕。甲告曰：「甲，尉某私吏，與戰刑（邢）丘城。今日見丙戲旆，直以劍伐夷丁，奪此首，而捕來詣。」診首，已診丁，亦診其瘡狀。

□□□□某爰書：某里士五（伍）甲、公士鄭才（在）某里曰丙共詣斬首一，各告曰：「甲、丙戰刑（邢）丘城，此甲、丙得首（也），甲、丙相與爭，來詣之。」診首□髮，其右角瘡一所，袤五寸，深到骨，類劍；其頭所不齊然。以書謗首曰：「有失伍及（遲）不來者，遣來識戲次。」

告臣爰書：某里士五（伍）甲縛詣男子丙，告曰：「丙，甲臣，橋（驕）悍，不田作，不聽甲令。謁買（賣）公，斬以為城旦，受賈（價）錢。」?訊丙，辭曰：「甲臣，誠悍，不聽甲。甲未賞（嘗）身免丙。丙毋（無）病（也），毋（無）它坐罪。」令令史某診丙，不病。令少內某、佐某以市正賈（價）賈丙丞某前，丙中人，賈（價）若干錢。?丞某告某鄉主；男子丙有鞫，辭曰：「某里士五（伍）甲臣。」其定名事里，所坐論云可（何），可（何）罪赦，或覆問毋（無）有，甲賞（嘗）身免丙復臣之不（也）?以律封守之，到以書言。

黥妾爰書：某里公士甲縛詣大女子丙，告曰：「某里五大夫乙家吏。丙，乙妾（也）。乙使甲曰：丙悍，謁黥劓丙。」?訊丙，辭曰：「乙妾（也），毋（無）它坐。」?丞某告某鄉主：某里五大夫乙家吏甲詣乙妾丙，曰：「乙令甲謁黥劓丙。」其問如言不然?定名事里，所坐論云可（何），或覆問毋（無）有，以書言。

（遷）子爰書：某里士五（伍）甲告曰：「謁盜親子同里士五（伍）丙足，（遷）蜀邊縣，令終身毋得去（遷）所，敢告。」告法（廢）丘主：士五（伍）咸陽才（在）某里曰丙，坐父甲謁盜其足，（遷）蜀邊縣，令終身毋得去（遷）

所論之，（遷）丙如甲告，以律包。今盜丙足，令吏徒將傳及恒書一封詣令史，可受代吏徒，以縣次傳詣成都，成都上恒書太守處，以律食。法（廢）丘已傳，為報，敢告主。

告子爰書：某里士五（伍）甲告曰：「甲親子同里士五（伍）丙不孝，謁殺，敢告。」即令令史已往執。令史已爰書：與牢隸臣某執丙，得某室。丞某訊丙，辭曰：「甲親子，誠不孝甲所，毋（無）它坐罪。」

（癘）爰書：某里典甲詣里人士五（伍）丙，告曰：「疑（癘），來詣。？訊丙，辭曰：「以三歲時病疔，麤（眉）突，不可智（知）其可（何）病，毋（無）它坐。」令醫丁診之，丁言曰：「丙毋（無）麤（眉），艮本絕，鼻腔壞。刺其鼻不寢（嚏）。肘（膝）□□□到□兩足下奇（踣），潰一所。其手毋戕。令（號），其音氣敗。（癘）（也）。」

賊死爰書：某亭求 甲告曰：「署中某所有賊死、結髮、不智（知）可（何）男子一人，來告。」即令令史某往診。令史某爰書：與牢隸臣某即甲診，男子死（屍）在某室南首，正偃。某頭左角刃瘡一所，北（背）二所，皆從（縱）頭北（背），袤各四寸，相奘，廣各一寸，皆 中類斧，腦角出（ ）皆血出，被（被）污頭北（背）及地，皆不可為廣袤；它完。衣布襌、襦各一。其襦北（背）直瘡者，以刃夾（ ）二所，（應）瘡。襦北（背）及中衽□污血。男子西有 秦綦履一兩，去男子其奇六步，一十步；以履履男子，利焉。地堅，不可智（知）賊。男子丁壯，析（皙）色，長七尺一寸，髮長二尺；其腹有久故癰二所。男子死（屍）所到某亭百步，到某里士五（伍）丙田舍二百步。？令甲以布 貍（埋）男子某所，侍（待）令。以襦、履詣廷。訊甲亭人及丙，智（知）男子可（何）日死，聞（號）寇者不（也）？

經死爰書：某里典甲曰：「里人士五（伍）丙經死其室，不智（知）故，來告。即令令史某往診。令史某爰書：與牢隸臣某即甲、丙妻、女診丙。丙死（屍）縣其室東內中北廨權，南鄉（嚮），以臬索大如大指，旋通繫頸，旋終在項。索上終權，再周結索，餘末袤二尺。頭上去權二尺，足不傳地二寸，頭北（背）傳廨，舌出齊唇吻，下遺矢弱（溺），污兩卻（ ）。解索，其口鼻氣出涓（喟）然。索（椒）鬱，不周項二寸。它度毋（無）兵刃木索。權大一圍，袤三尺，西去堪二尺，堪上可道終索。地堅，不可智（知）人。索袤丈。衣絡襌襦、 各一，踐□。即令甲、女載丙死（屍）詣廷。診必先謹審視其，當獨抵死（屍）所，即視索終，終所黨有通，乃視舌出不出，頭足去終所及地各幾可（何），遺矢弱（溺）不（也）？乃解索，視口鼻涓（喟）然不（也）？及視索 鬱之狀。道索終所試脫頭；能脫，乃□其衣，盡視其身、頭髮中及篡。舌不出，口鼻不涓（喟）然，索不鬱，索終急不能脫，□死難審（也）。節（即）死久，口鼻或不能涓（喟）然者。自殺者必先有故，問其同居，以合（答）其故。

穴爰書：某里士五（伍）乙告曰：「自宵臧（藏）乙復（複）衣一乙房內中，閉其戶，乙獨與妻丙晦堂上。今旦起啟戶取衣，人已穴房內，（徹）內中，衣不得，不智（知）穴者可（何）人、人數，毋（無）它亡（也），來告。」？即令令史某往診，求其。令史某爰書：與鄉□□隸臣某即乙、典丁診乙房內。房內在其大內東，比大內，南鄉（嚮）有戶。內後有小堂，內中央有新穴，穴（徹）內中。穴下齊小堂，上高二尺三寸，下廣二尺五寸，上如豬竇狀。其所以堀者類旁鑿，廣□寸大半寸。其穴壤在小堂上，直穴播壤，被（破）入內中。內中及穴中外壤上有（膝）、手，（膝）、手各六所。外壤秦綦履四所，袤尺二寸。其前稠綦袤四寸，其中央稀者五寸，其（踵）稠者三寸。其履類故履。內北有垣，垣高七尺，垣北即巷（也）。垣北去小堂北唇丈，垣東去內五步，其上有新小壤，壤直中外，類足之之，皆不可為廣袤。小堂下及垣外地堅，不可。不智（知）人數及之所。內中有竹，在內東北，東、北去廡各四尺，高一尺。乙曰：「□衣中央。」？訊乙、丙，皆言曰：「乙以迺二月為此衣，五十尺，帛裏，絲絮五斤（裝），繆繒五尺緣及殿（純）。不智（知）者可（何）人及蚤（早）莫（暮），毋（無）意（也）。」？訊丁、乙伍人士五（伍）□，曰：「見乙有復（複）衣，繆緣及殿（純），新（也）。不智（知）其裏□可（何）物及亡狀。」以此直（值）衣賈（價）。

出子爰書：某里士五（伍）妻甲告曰：「甲懷子六月矣，自晝與同里大女子丙，甲與丙相掙，丙僨辟甲。里人公士丁救，別丙、甲。甲到室即病復（腹）痛，自宵子變出。今甲裹把子來詣自告，告丙。」即令令史某往執丙。即診嬰兒男女、生髮及保之狀。有（又）令隸妾數字者，診甲前血出及癰狀。有（又）訊甲室人甲到室居處及復（腹）痛子出狀。丞乙爰書：令令史某、隸臣某診甲所詣子，已前以布巾裹，如（𧈧）血狀，大如手，不可智（知）子。即置盎水中搖（搖）之，（𧈧）血子（也）。其頭、身、臂、手指、股以下到足、足指類人，而不可智（知）目、耳、鼻、男女。出水中（又）（𧈧）血狀。？其一式曰：令隸妾數字者某某診甲，皆言甲前旁有乾血，今尚血出而少，非朔事（也）。某賞（嘗）懷子而變，其前及血出如甲□。

毒言爰書：某里公士甲等廿人詣里人士五（伍）丙，皆告曰：「丙有寧毒言，甲等難飲食焉，來告之。」即疏書甲等名事關諜（牒）北（背）。？訊丙，辭曰：「外大母同里丁坐有寧毒言，以卅餘歲時（遷）。丙家節（即）有祠，召甲等，甲等不肯來，亦未嘗召丙飲。里節（即）有祠，丙與里人及甲等會飲食，皆莫肯與丙共柶（杯）器。甲等及里人弟兄及它人智（知）丙者，皆難與丙飲食。丙而不把毒，毋（無）它坐。」

奸爰書：某里士五（伍）甲詣男子乙、女子丙，告曰：「乙、丙相與奸，自晝見某所，捕校上來詣之。」

亡自出。鄉某爰書：男子甲自詣，辭曰：「士五（伍），居某里，以迺二月不識日去亡，毋（無）它坐，今來自出。」問之□名事定，以二月丙子將陽亡，三月中逋築宮廿日，四年三月丁未籍一亡五月十日，毋（無）它坐，莫覆問。以甲獻典乙相診，今令乙將之詣論，敢言之。

其于部分・編年紀

昭王元年

二年，攻皮氏。

三年

四年，攻封陵。

五年，歸蒲反

六年，攻新城

七年，新城陷。

八年，新城歸。

九年，攻析。

十年

十一年

十二年

十三年，攻伊闕。

十四年，伊闕。

十五年，攻魏。

十六年，攻宛。

十七年，攻垣、枳。

十八年，攻蒲反。

十九年

廿年，攻安邑。

廿一年，攻夏山。

廿二年

廿三年

廿四年，攻林。

廿五年，攻茲氏。

廿六年，攻離石。

廿七年，攻鄧。

廿八年，攻□。

廿九年，攻安陸。

卅年，攻□山。

卅一年，□。

卅二年，攻啟封。

卅三年，攻蔡、中陽。

卅四年，攻華陽。

卅五年

卅六年

卅七年，□寇剛。

卅八年，闕輿。

卅九年，攻懷。

四十年

四十一年，攻邢丘。

四十二年，攻少曲。

〔四十三年〕

四十四年，攻太行，□攻。

四十五年，攻大野王。十二月甲午雞鳴時，喜產。

四十六年，攻□亭。

四十七年，攻長平。十一月，敢產。

四十八年，攻武安。

〔四十九年〕，□□□。

〔五十年〕，攻邯鄲。

五十一年，攻陽城。

〔五十二〕年，王稽、張祿死。

〔五十〕三年，吏誰從軍。

五十四年

五十五年

五十六年，後九月，昭死。正月，速產。

孝文王元年，立即死。

莊王元年

莊王二年

莊王三年，莊王死。

今元年，喜傳。

二年

三年，卷軍。八月，喜掄吏。

〔四年〕，□軍。十一月，喜□安陸□史。

五年

六年，四月，為安陸令史。

七年，正月甲寅，鄢令史。

八年

九年

〔十年〕

十一年，十一月，獲產。

十二年，四月癸丑，喜治獄鄢。

十三年，從軍。

十四年

十五年，從平陽軍。

十六年，七月丁巳，公終。自占年。

十七年，攻韓。

十八年，攻趙。正月，恢生。

十九年，□□□□南郡備警。

廿年，七月甲寅，嫗終。韓王居□山。

廿一年，韓王死。昌平君居其處，有死□屬。

廿二年，攻魏梁。

廿三年，興，攻荊，□□守陽□死。四月，昌文君死。

〔廿四年〕，□□□王□□。

廿五年

廿六年

廿七年，八月己亥廷食時，產穿耳。

〔廿八〕年，今過安陸。

廿九年

卅年

其于部分·语书

廿年四月丙戌朔丁亥，南郡守騰謂縣、道嗇夫：古者，民各有鄉俗，其所利及好惡不同，或不便於民，害於邦。是以聖王作為法度，以矯端民心，去其邪避（僻），除其惡俗。法律未足，民多詐巧，故後有閒令下者。凡法律令者，以教道（導）民，去其淫避（僻），除其惡俗，而使之之於為善（也）。今法律令已具矣，而吏民莫用，鄉俗淫失（佚）之民不止，是即法（廢）主之明法（也），而長邪避（僻）淫失（佚）之民，甚害於邦，不便於民。故騰為是而脩法律令、田令及為閒私方而下之，令吏明布，令吏民皆明智（知）之，毋巨（ ）於罪。今法律令已布，聞吏民犯法為閒私者不止，私好、鄉俗之心不變，自從令、丞以下智（知）而弗舉論，是即明避主之明法（也），而養匿邪避（僻）之民。如此，則為人臣亦不忠矣。若弗智（知），是即不勝任、不智（也）；智（知）而弗敢論，是即不廉（也）。此皆大罪（也），而令、丞弗明智（知），甚不便。今且令人案行之，舉劾不從令者，致以律，論及令、丞。有（又）且課縣官，獨多犯令而令、丞弗得者，以令、丞聞。以次傳；別書江陵布，以郵行。

凡良吏明法律令，事無不能（也）；有（又）廉絜（潔）敦 而好佐上；以一曹事不足獨治（也），故有公心；有（又）能自端（也），而惡與人辨治，是以不爭書。惡吏不明法律令，不智（知）事，不廉絜（潔），毋（無）以佐上，綸（倫）隨（惰）疾事，易口舌，不羞辱，輕惡言而易病人，毋（無）公端之心，而有冒抵（抵）之治，是以善斥（訴）事，喜爭書。爭書，因恙（佯）瞋目扼（腕）以視（示）力，訐詢疾言以視（示）治，醜言麤斫以視（示）險，阬閭強抗（伉）以視（示）強，而上猶智之（也）。故如此者不可不為罰。發書，移書曹，曹莫受，以告府，府令曹畫之。其畫最多者，當居曹奏令、丞，令、丞以為不直，志千里使有籍書之，以為惡吏。

其于部分·为吏之道

凡為吏之道，必精絜（潔）正直，慎謹堅固，審悉毋（無）私，微密鉞（纖）察，安靜毋苛，審當賞罰。嚴剛毋暴，廉而毋削，毋復期勝，毋以忿怒夫（ ）。寬俗（容）忠信，和平毋怨，悔過勿重。茲（慈）下勿陵，敬上勿犯，聽聞（諫）勿塞。審智（知）民能，善度民力，勞以（率）之，正以矯（矯）之。反赦其身，止欲去（願）。中不方，名不章；外不員（圓）。尊賢養孳，原（野）如廷。斷割不削。怒能喜，樂能哀，智能愚，壯能衰，愚（勇）能屈，剛能柔，仁能忍，強良不得。審耳目口，十耳當一目。安樂必戒，毋行可悔。以忠為榦，慎前慮後。君子不病（也），以其病病（也）。同能而異。毋窮窮，毋岑岑，毋衰衰。臨材（財）見利，不取句（苟）富；臨難見死，不取句（苟）免。欲富大（太）甚，貧不可得；欲貴大（太）甚，賤不可得。毋喜富，毋惡貧，正行脩身，過（禍）去福存。

吏有五善：一曰中（忠）信敬上，二曰精（清）廉毋謗，三曰舉事審當，四曰喜為善行，五曰龔（恭）敬多讓。五者畢至，必有大賞。

吏有五失：一曰誇以進，二曰貴以大（泰），三曰擅襲割，四曰犯上弗智（知）害，五曰賤士而貴貨貝。一曰見民（倨）敖（傲），二曰不安其（朝），三曰居官善取，四曰受令不僂，五曰安家室忘官府。一曰不察所親，不察所親則怨數至；二曰不智（知）所使，不智（知）所使則以權衡求利；三曰興事不當，興事不當則民指；四曰善言隋（惰）行，則士毋所比；五曰非上，身及於死。

戒之戒之，材（財）不可歸；謹之謹之，謀不可遺；慎之慎之，言不可追；綦之綦之，食不可賞（償）。術（怵）慙（惕）之心，不可不長。以此為人君則鬼，為人臣則忠；為人父則茲（慈），為人子則孝；能審行此，無官不治，無志不徹，為人上則明，為人下則聖。君鬼臣忠，父茲（慈）子孝，政之本（也）；志徹官治，上明下聖，治之紀（也）。

除害興利，茲（慈）愛萬姓。毋罪毋（無）罪，毋（無）罪可赦。孤寡窮困，老弱獨傳，均（徭）賞罰，（傲）悍暴，根（墾）田人（仞）邑，賦斂毋（無）度，城郭官府，門戶關龕（鑰），除陞甬道，命書時會，事不且須，貫責（債）在外，千（阡）佰（陌）津橋，困屋牆（墻）垣，溝渠水道，犀角象齒，皮革橐（囊）突，久刻職（識）物，倉庫禾粟，兵甲工用，樓棹矢閱，槍閫（蘭）環刃，比（庇）臧（藏）封印，水火賊，金錢羽旄，息子多少，徒隸攻丈，作務員程，老弱（癯）病，衣食饑寒，斬（瀆），（漏）屋塗（墜），苑囿園池，畜產肥（胔），朱珠丹青。臨事不敬，倨驕毋（無）人，苛難留民，變民習浴（俗），須身旆（遂）過，興事不時，緩令急徵，夫（ ）獄不正，不精於材（財），法（廢）置以私。

處如資（齋），言如盟，出則敬，毋施當，昭如有光施而喜之，敬而起之，惠以聚之，寬以治之，有嚴不治。與民有期，安騶而步，毋使民懼。疾而毋諤，簡而毋鄙。當務而治，不有可。勞有成既，事有幾時。治則敬自賴之，施而息之。而牧之；聽其有矢，從而賊（則）之；因而徵之，將而興之，雖有高山，鼓而乘之。民之既教，上亦毋驕，孰道毋治，發正亂昭。安而行之，使民望之。道（易）車利，精而勿致，興之必疾，夜以接（接）日。觀民之詐，罔服必固。地脩城固，民心乃寧。百事既成，民心既寧，既毋後憂，從政之經。不時怒，民將姚去。

長不行，死毋（無）名；富不施，貧毋（無）告也。貴不敬，失之毋□，君子敬如始。戒之戒之，言不可追；思之思之，某（謀）不可遺；慎之慎之，貨不可歸。

凡治事，敢為固，謁私圖，畫局陳以為藉。肖人聶心，不敢徒語恐見惡。凡戾人，表以身，民將望表以戾真。表若不正，民心將移乃難親。

操邦柄，慎度量，來者有稽莫敢忘。賢鄙漑，祿立（位）有續孰啓上？

邦之急，在（體）級，掇民之欲政乃立。上毋間陞，下雖善欲獨可（何）急？

審民能，以賃（任）吏，非以官祿夫助治。不賃（任）其人，及官之啓豈可悔。

申之義，以畸，欲令之具下勿議。彼邦之（傾），下恒行巧而威故移。

將發令，索其政，毋發可異史（使）煩請。令數環，百姓搖（搖）貳乃難請。聽有方，辯短長，困造之士久不陽。

廿五年閏再十二月丙午朔辛亥，◎告相邦：民或棄邑居（野），人人孤寡，徼人婦女，非邦之故也。自今以來，（假）門逆呂（旅），贅後父，勿令為戶，勿鼠（予）田宇。三（世）之後，欲士（仕）士（仕）之，乃（仍）署其籍曰：故某慮贅某叟之乃（仍）孫。魏戶律

廿五年閏再十二月丙午朔辛亥，◎告將軍：（假）門逆（旅），贅後父，或（率）民不作，不治室屋，寡人弗欲。且殺之，不忍其宗族昆弟。今遣從軍，將軍勿恤視。享（烹）牛食士，賜之參飯而勿鼠（予）穀。攻城用其不足，將軍以堙豪（壕）。魏奔命律